



序

醴東潘氏巨族也其邑與吾萍隣其族又  
與吾族隣累世姻好至近代尤密迺今  
年八月其族人走書於予諭予以將訂  
族譜並錄其先世身自來與其支派此  
由別而以序屬予予深愧不文不足以

潤色芳譜以貽來命羞然既悉其家古  
而又有屬之者何弗借君家家乘以榮  
吾名乎夫譜之作也昔人慮世代緜遠  
或有一家而秦越之世於是考其年代  
詳其居趾紀其生歿別其親疎世系必  
明辨親疎也尊長不諱正名分也派行

不謹敘倫次也傳贊不錄示獎勸也近  
代故子扳援謬將貴胄引他族為同宗  
承異流為正派雖曰遠紹實以混宗若  
家自武岡州來支庶蕃衍而是譜之修  
祖成公而宗國公適詳畧之宜明  
遠近之序立異日合修之據溯當年分



派之由顏曰信譜誠哉其可信也若夫  
家庭之雍睦子弟之馴謹服先疇者  
家無游惰食舊德世代有人女是又  
有光斯譜足徵流澤之孔長也因述  
而為之序

同治二年仲冬月

穀旦

昭萍廩膳生黎汝襄頓首拜撰

並書



Handwritten text in red ink, partially obscured by a diagonal red line. The characters are in a cursive style, likely representing a signature or a specific title.

Red square seal impression with archaic characters, likely a collector's or library's seal.

續脩宗譜序

吾族之譜倡脩於嘉慶初年重脩  
於道光中年但兩脩俱以墨紀而  
未付諸剞劂茲又二十餘年矣生  
齒較昔而繁戶口較昔而盛坵墓  
較昔而增况值兵馬縱橫之會使



無譜以紀之其何以昭示來茲乎  
去年冬鳩集族眾從而續之越一  
年而功始竣粵稽我祖國公自  
有明之季遷居於醴東華富村迨  
其後子孫繁衍遂析居於蘭宜坡  
又析居於來紫山又析居於荷田

境茲則碁布星羅難以悉數然要  
皆我 國公一人之苗裔也茲譜  
專敍 國公一支由 國公而上  
推之 成公者武岡州之始遷祖  
我 國公之所自出也錄其一脉  
使後世知所由來由 國公而旁

推之 應耕應本應楚三公我

國公之族叔父亦由武岡州遷居  
醴東潼塘而共祀一祠者也錄其  
先世而姑畧其後嗣以俟異日之  
續脩者非敢闕也至溯受姓之始  
由周秦而遞及宋元歷代之列祖

列宗非無才德兼全名位俱隆而  
譜闕有間誠恐有錯認顏標誤拜  
汾陽者故雖昭垂青史而不敢登  
諸譜牒誠慎之也其譜式專倣歐  
陽永叔而書法則宗蘇氏老泉其  
有德行可嘉者褒之以示勸其有

素行不軌者闕之以示懲其碌碌  
焉無所表長者則寓愧勉之意於  
書法之中且也著家訓教其敦行  
也嚴家法防其作慝也垣墓有圖  
祠宇有圖五服制有圖欲其不背  
本也是皆所以肅紀綱重孝弟明


禮讓務使吾族子弟其秀者出爲  
忠臣處爲孝子其愚者亦皆知束  
躬名教不失爲聖世之良民而已  
矣嗟夫譜之所係重矣哉竊願後  
起之英推而擴之於以恢宏先緒  
丕振家聲是則予之所大望也是

爲序

書

同治二年歲在癸亥孟冬月穀旦

十五世嗣孫思康謹撰



潘氏支譜敘

譜稱家乘旨同國史史者所以稽  
事故而一代之聲名文物並著焉  
譜者所以聯血氣而一姓之節孝  
誼行附見焉潘氏自畢公受姓  
以來歷周秦漢晉唐宋元明代有



海山仙言  
偉人韓子云根之茂者其實遂膏  
之沃者其光奕理固然也夫名公  
巨卿豐功偉烈史冊昭垂固可考  
而知至於鄉里嫠婦之幽芳孝子  
之服勤處世之忠厚存心之渾樸  
以及士人之品學足以風世勵俗

者史不及詳不幾湮沒不彰乎癸卯冬潘君曉潭倡脩支譜譜成屬敘於予披閱全卷不特昭穆釐然子孫之播遷者得以溯其本源祖宗之坵墓得以長爲保護而一姓之節孝誼行與夫秀而文恪而愿

者實足以爲家乘光今夫仁人孝  
子未有不樂道先人者使其先無  
可傳可書之事後人固無如先人  
何先人有可傳可書而後人不能  
傳之書之先人又無如後人何也  
此相得益彰之美所由難也今觀

是譜其亦無愧繼志述事之意也  
夫是爲序

皆


皇清道光二十三年歲次癸卯季冬

月穀旦

賜進士出身翰林院侍讀

欽命廣西正主考年弟滌笙曾國藩

拜撰



海山詩

明倫堂

譜跋

詞所以妥先靈也譜所以詔來茲也顧吾族之祠合潼塘蘭宜坡而共建諸潼水吾族之譜則專脩蘭宜坡一支而潼塘不與此何以故蓋由武岡州遷居醴東潼塘者成

公長子 友福公裔 應耕 應

本 應楚二公也由武岡州遷居

醴東華富繼而析居蘭宜坡者

成公次子 友祿公裔 友國公

也 國公子孫愚者耕秀者讀舊

德先疇世世守之其先人之墳塋

前後之生沒男女之嫁娶朗若指  
掌故得從而詳之 應耕 應本  
應楚三公子孫以水爲村以船爲  
宅東西漂泊靡所定處甚或流寓  
他鄉澌不知其所向卽間有安居  
故土者殆不過十之一二招之而



不能遽集問之而不及加詳故不  
得已而畧之然猶詳三公以上者  
則爲異日續修地耳後之人或廣  
收族之義於瀆塘之枝分派別一  
一焉而考核維詳則欲匯其流不  
患乎源之無可尋也卽終不能合

亦俾知同源共本斷不至一姓之  
親而視若塗人也略跋數語以示  
來者

告

皇清道光二十二年歲次癸卯季冬  
月穀旦

十四世嗣孫江謹跋



敘

譜何爲而作也蓋自宗法旣廢世家大族渙無統紀其富者或倚勢而越禮貧者或因事而作奸甚至一室而操戈矛周親而相殘賊滅理傷倫等同姓如讐人者所在皆

然前賢用是滋懼遠法周官精意  
廣集往聖良規序昭穆以辨尊卑  
詳源派以明等殺錄行誼以爲獎  
勸鼓舞而又作爲家訓家規以開  
啓其善心而懲創其逸志俾秀良  
者是訓是行以成其德愚頑者亦

相繩相糾以免於愆人心由是而  
正風俗由是而美雖不克上比三  
代之隆實可爲萬世之法後有作  
者當師其意焉我 始祖成公長  
子 福公裔 應耕應本應楚三  
公次子 祿公裔 國公遭明季

亂咸由武岡州遷醴東鄉選勝卜  
基應耕三公居潼塘國公居  
華富蘭宜坡雖乏饒裕之家頗多  
通經之士孝弟之行克敦高曾之  
思惟永道光七年一支子孫共建  
祠於潼水之西奠烝嘗以展孝思

敍昭穆而脩倫紀咸雍雍乎篤愛  
敬崇禮讓以襄祀事而妥先靈而  
且服賈者咸知洗腆力田者各嗣  
股肱遊大學列膠庠者爭砥礪以  
自愛亟刮磨以觀光並無俟督責  
約束也使得長遵是道共率厥常



豈不幸甚然而昇平日久生齒  
愈繁秉性雖無不善賦質或有所  
偏立教不預於平日蕩檢難免於  
他年是用徧告族人敬商耆俊廣  
錄各房生沒通集合族派行奈倉  
儲之素積不充吾人之負重無力

暫將我華富蘭宜坡一支詳敘世  
系源流書明生沒行誼陳訓以爲  
勸立規以爲戒俾族之人咸履中  
蹈和毋越禮犯分作邦家傑士爲  
盛世良民是則余之厚望也若謂  
吾欲挽習俗之頹靡復古昔之邇

治以竊附於有心世道者之後則  
吾豈敢

皇清道光二十三年歲次癸卯季冬

月穀旦

嗣孫碧謹撰

潘氏信譜目錄

卷上

序

跋

凡例

家訓

家規



卷中

卷中

祠規

祭祀儀注

五服圖

領譜字號

卷中

祠堂圖記

祠堂山水圖記



塋城圖誌

修譜格言

萬年歷

卷下

傳讚

墓誌銘

壽文



詩人言行

壽詩

像讚

跋

詩


記

卷一

六十葉

源流考

班行序



詩人言行

基祖至崇公房及峯公大二房世系齒錄

卷二 六十葉

峯公三二房世系錄齒

卷三 五十葉

峯公三二房世系齒錄

卷四 八十五葉

峯公四房五房世系齒錄



卷五

七十八葉

崇公峯公裔克字培字行世系齒錄

卷六

五十一葉

峯公裔克字行至先字行世系齒錄



初脩名目

纂脩嗣孫才敏

思

魁 繼 理 政 純

次脩名目



纂脩嗣孫才敏

思

永政理觀

深學

元蘭起



書譜嗣孫思

必

克家

益

峻

孚

廉

深

久

丁會首事思

觀

康

三修名目

簿書嗣孫

必乘

倡修嗣孫思

政

康

深

康

丁會首事嗣孫思

必讓



纂修嗣孫思

康 丞

必久

贊修嗣孫思

孚

參訂必

易

校對嗣孫思

孝

必

峻

述

啟

廉



謄稿嗣孫必

來會謹蘭魏致闇

克

傳

家



浮山書

田介堂

造冊嗣孫思

葆深

必廉

經理繪圖思

學

香天言譜

卷首上

名目

七月命堂





卷之四

四



凡例

一 是譜專修我。國公一支其餘同宗子姓  
雖不能備及而兄弟必詳錄無遺異日合  
修方無訛謬亦敬宗收族之道也

一 譜學以歐陽永叔蘇老泉爲最茲則譜圖  
倣永叔而書法則倣老泉

一 譜圖貴血脉相承支派分明茲則父承祖

子承父一綫相承雖百世而爲昭爲穆之  
絃不紊伯及仲仲及叔季雁序平開而大  
宗小宗之義甚明

一譜圖以五世爲率者服盡故也五世重提  
者自重提之班上溯前圖第一班爲高祖  
下究本圖第五班爲元孫一本九族之義  
也每合兩圖卽爲九族雖千百其圖而一

本九族之義朗若列星

一名諱大書綱也字號功名生卒葬向婚配  
子女小註目也

一敬避字樣悉遵 功令

一自始祖以下悉書名從臨文不諱之義

一始祖諱合族子孫宜敬避各支祖諱各支  
子孫宜敬避各房服內尊長諱各房宜敬

避大要以少避長以生避沒改未成名者  
不改已成名者但改名者俱於名下註明  
原名某以備稽查且與券約碑文相符也  
嗣後取名者須查閱舊譜

一 生而書名書字期成人也書婚配端倫始  
也書子女重後嗣也六十以上書壽尚齒  
也書功名貴貴也書行誼尚德也書於沒

後蓋棺論定也書生卒葬向慎始終也

一妻曰配妾曰副室正嫡庶之分也方訂曰聘初妻曰原配續妻曰繼繼配名紀其實也  
有子者各書其母下重所出也

一夫沒再醮者書娶不書配以其不堪爲敵體也雖有子已與廟絕但書其生年月日時及生子某誌鬻子之閔也不書沒葬彼

有所託也其無子者生並不書略之也直書某姓改適外之也夫存被出而有子者亦書娶某氏不書生年月日時僅於生子後書某姓出而去其氏寓懲於其中也無子者削之

一娶妻必書妻父詳所自出也女嫁必書壻父及壻名知所適從亦重姻也有功名者

悉登無則不敢誣載

二 女已嫁者書適某未嫁者書字某未字者  
虛其下以俟續修再嫁者仍書前婚女道  
從一而終再醮非母家所得主也

三 長中下三殤無生沒者僅於其父母生幾  
子下列其名註一殤字有生沒者附載齒  
錄若有子有繼者不在此例



- 一立繼必親支之子親支既虛始及旁支然亦必昭穆相當倫次無訛方許編入譜牒
- 永承宗祧若以祖撫孫以兄撫弟昭穆紊亂不准入譜至撫異姓之子及母腹帶來之子尤爲紊亂宗支斷不准入譜如有混亂一經查出並其親支亦不登齒錄
- 一出繼之子於本生父母名下必書第幾子

出繼與某爲嗣不失其伯仲之序也所繼  
父母名下必書明撫某人幾子不忘所自  
也

一嗣續重長子不可出繼若長子死雖未娶  
必繼庶弟之子無嗣無繼者書止杜冒妄  
也

一子孫原不得出撫外姓若有出撫外姓雖

己承他人之祧世系不載而於生父母名下書第幾子出撫某姓某人爲嗣以本屬吾宗支不忍遽棄且異日返本歸源有所考據卽不然亦不至彼此聯婚也

一子孫有僑寓他縣未歸者必於齒錄下一註明倘其後有子孫歸宗查對是何宗支因何流寓與譜相符仍一體載入

一已遷者曰遷某地出而未置業者曰寄居  
某地分析他境者曰析居某地遠適外省  
不知方所者則書徃外不敢誣載備查核  
也

一書葬淺曰殯深曰葬遷於他處曰改葬子  
孫從祖考葬曰祔葬妻從夫曰合葬同穴  
曰合冢買他人山營葬曰契買某地某人

之山葬於他處曰寓葬自他鄉而返曰歸葬書某地某形某山某向詳明上下左右及碑誌界石杜冒佔防迷失也

一刊刻塋域圖固墳墓也祠堂圖隆孝思也  
一忠孝廉節嘉言懿行編入藝文志一以紀先澤一以教後代

一子孫賢不肖悉由於少成習慣茲著家訓

家規數條俾世世子孫披閱有閑邪存誠之心無越禮犯分之行

一刊刻服制圖俾族內曉然於服之輕重以各盡其情所以教孝也

一名後小註某某幾子每葉中縫小註某某幾房某世至某世提重提處橫註某某之裔冠長孫首俾緝閱者易於查考且一綫

相承也

一我族雖眾幸咸遵祖訓無忤逆不法之徒  
倘有定行貶斥尙其人人自愛增光譜牒  
一名諱字號配氏子女生卒葬向存詳有略  
謹遵癸卯續脩所載至癸卯後齒錄均照  
各房草冊編入

家訓二十則

忠君國

國之事君猶家事親事親不孝不可爲人  
事君不忠曷可爲臣既登仕版必致其身  
事期盡職治期愛民牽裾折檻犯顏逆鱗  
苟爲容悅觀望逡巡偷生一日貽罵萬春  
綱常大義古今常新願諸仕者聆此諄諄





敬祖宗

物本乎天。人本乎祖。祖德宗功。昭昭可數。  
欲報之德音。容莫覩。乃作寢廟。以奉神主。  
惟冀駿奔。誠輸肺腑。思其居處。思其笑語。  
豐我肴饌。考我鐘鼓。盡物盡志。庶幾勿吐。  
矧乎時祭。一歲一舉。小心昭事。神其福汝。

孝父母

人有父母孝順爲先欲報之德罔極昊天  
乃有逆子喪厥心田或因貧乏或聽妻言  
遂爾忍心薄待高年古人處變孺慕猶全  
矧茲白髮恩惠無邊富貴貧賤各盡其虔  
母效伯泉空恨重泉及時孝養勉爾後賢  
宜兄弟  
惟兄與弟情同手足衣綻可縫體斷誰續

乃因財產遂甘側目或聽婦言自乖骨肉  
同室操戈旁人恥辱詩戒角弓義取和穆  
急難相顧榮寵同福雁翼翱翔雍雍一室  
毋謂豆箕毋譏斗粟此令兄弟人人欽服  
別夫婦

男位乎外女位乎內內外各正始稱佳配  
乃有男子甘爲引退凡百事權盡歸粉黛

其柄旣移夫難置喙兄弟離心父母怨懟  
鄰里招尤親朋失愛凡諸顛倒皆因綱廢  
牝雞司晨其家必敗願諸雄飛毋將雌代  
信朋友

與朋友交言而有信曾子子夏屢有明訓  
胡茲後人全無血性盟誓初要金蘭甫訂  
一涉利途遂思改更落井下石獸心人面

願諸交友心心相印一言既出千金已定  
始終不渝生死不變季布侯嬴誰不欽敬

### 尊儒師

延請西賓尊居講席惟冀循循獎勸誘掖  
啟爾聰明端爾行習虛心聽受學由以積  
苟或執傲貌順心逆氣質之偏胡由變易  
是猶種樹難成松柏是猶爲山難望突兀

滿則招損謙則受益天道如斯人知取則  
尚齒德

天下達尊齒德並稱齒高族眾閱歷彌宏  
德高羣類舉止端凝齒劭德劭一族準繩  
後生小子勿恃其能凡百事宜咨稟有恆  
或有訓誡拳拳服膺倘至譴責唯唯欽承  
立敬惟長百行肇興所寶惟賢德業日增

恤孤獨

老而無子。苦况萬千。衣食誰靠。湯藥誰煎。  
更有不幸。童稚失天。期功強近。一概泯焉。  
凡茲之類。情實可憐。文王發政。在所必先。  
同爲一姓。忍不周旋。毋使轉壑。毋使天年。  
傾心拯救。設法保全。存心愷悌。種福無邊。  
睦宗族。

凡我族衆一脈所分貧寒孤寡體恤宜愍  
常見巨室不睦同宗封殖自豪乞假不通  
甚或小忿伏戎相攻斗米尺布可舂可縫  
一公子孫胡不相容但願我族雍睦成風  
貧無怨富富宜憐貧相親相愛遠法放勳

和鄰里

民吾同胞物吾與也古人胸襟何等大雅



浮山言  
躬茲鄰里同居一社守望相助有無相假  
苟不和睦無一可者貧必怨富多不潤寡  
釁隙易生是非易惹鄉規鄉約勢同解瓦  
願居鄉村事無苟且無詐無虞頌聲遍野  
敦行誼

時若弗及古聖檢身胡茲後輩不學前人  
縱欲敗度滅理傷倫得罪名教有玷儒巾

幾希已去禽獸與鄰願茲士庶勉勉日新  
孝弟忠信舉動持循細行不謹終累大純  
莫自菲薄勉學聖仁凡諸典禮謹守恪遵

崇貞節

婦長深閨未涉經史一念良知見道如此  
或以身殉與夫俱死或以子守爲夫存祀  
皆爲貞節女中君子正氣獨完剛腸不靡

江上竹言  
慎交遊  
烈日秋霜光明俊偉名教所關宜風人紀  
死者奏揚表彰宅里生者厚賜大成厥美

詩歌伐木易著同人朋友一途義列五倫  
往來交際豈曰無朋宜擇三益直諫多聞  
善柔僻佞聖有明箴乃有浪子三五成羣  
招人賭博誘人洋煙設盡機關以取銀錢

鄉鄰蝨賊 朝廷莠民 嚴束子弟 勿與爲


鄰

肅閨闈

閨門之內肅若朝廷一言一動自有準繩  
誼譁戲謔法宜禁停男女授受禮宜不親  
更有一類實導姦淫三姑六嫂母許登庭  
花鼓淫戲母許觀聽願諸男子訓誡諄諄

毋溺情愛約束不申夫綱克舉婦德自新  
力農事

人資於食當務乎耕莫學遊蕩舍業他營  
春而播種雞鳴以興夏而耘耨莫憚炎蒸  
藝麻種豆戴月披星勞筋苦骨冀望收成  
五穀蕃熟家戶充盈私債了償國賦完  
徵親朋來往雞黍相迎謳歌鼓腹共樂



昇平

專儒業

百工雖精猶是末藝惟有讀書稱爲上計  
經史良田文章公器愚可使賢賤可使貴  
賣金買書萬倍其利閉戶焚膏光陰莫棄  
竹簡韋編工夫常繼業在專心事成有志  
德能潤身學優登仕顯親揚名芳流百世

束子弟

易曰童蒙義取養正習慣自然少成若性  
謔浪笑敖出口斯禁戒爾驕癡勉爾德行  
毋令佚遊毋使放縱時加諄復孝弟忠信  
倘有外侮弗聽播弄與人口角不許爭論  
順理始聽逆理則遜莫知子惡休蹈此病  
務勤儉

禹之興夏克勤克儉文之興周卑服康功  
自古聖王勤儉持躬矧茲士庶敢不奮興  
時時努力業廣功崇事事節約家富用充  
毋學懶惰睡到日紅毋事驕奢欲賽富翁  
常守此道終不困窮閱歷之言當銘幽衷  
固墳塋

卜葬惟謹吉穴是期骸骨所藏魂魄所棲



既葬之後百年難知內宜立記外宜樹碑  
佳城高建金井深爲邱木不斬地脉毋欺  
清明掃祭荆棘親披勿令失葬勿使失迷  
厥兆獲吉慎勿輕移子子孫孫謹守無違

家規

一 國課早完

一 族正及房長戶首必擇才德兼優之人既已擇之執家法判是非理諸事諸人不得阻撓若不勝任公議易之可也

一 房長戶首平時宜各訓誨各房子弟使皆遵仁行義毋致蕩檢踰閑否則罪先及之



一 族內口角細故須念一本之誼不許興訟  
房長戶首不能消散經投族長族正平情  
論處倘再執拗興訟族長族正房長戶首  
將兩造是非所處輕重稟明以懲其健訟  
之罪

一 爲子宜孝爲弟宜弟倘有忤逆干犯情形  
分輕重依律以家法處治

一媳婦不敬翁姑其夫不懲杖責其夫

一賭博廢業荒時傾家敗產律所明禁犯

者杖責至誘人子弟窩賭抽頭杖八十出

族

一爲盜窩賊除照律以家法處治外降譜

出族驅出境外

一淫爲萬惡之首桑間濮上各宜絕跡至傷

倫滅理玷及同宗女離男杖八十降譜出  
族若以卑亂尊除降譜出族外依律以  
家法處治誣者反坐

一強搶強奪者除照律處治外降譜出族

一洋煙之害甚於賭博賭博猶可戒止洋煙  
則不死不休也茲幸我族尙無犯者公議  
預先嚴罰謹戒倘有犯者杖一百驅出境

外以免滋害於族內也

一賣洋烟者降譜出族女嫁在外從夫賣洋

烟者降女婿譜

一從滅倫之教者取具合族甘結以家法處

死

此三條

例所不載茲合族公議家法在所必行須一一家

諭戶曉

一娼優卑隸降譜出族

一賣良爲賤降譜出族

一平時在家演花鼓戲者笞四十

一族內有銀錢借與不理財之子弟者無償

一律以家法不論有無功名若分尊者合族

稟官究治費公出

以上所議規條必經投族眾齊集祖堂察  
其迹真証確毫無疑議方可執法不可誤



聽一偏之言

一能宣讀

聖諭講明家訓家規者優以禮貌

一能訓誨合族子弟使其改過遷善者優以

禮貌

一能孝父母敬尊長者優以禮貌

一能敦品行以爲一族倡者優以禮貌






一能疏財仗義調恤族內貧寒孤寡者優以

禮貌

一能勤學力田者優以禮貌

一能上進者旌獎



祠規

- 一 祭期每歲以冬至日爲定值年首事先期
- 二 日至祠檢飾灑掃整備豬羊祝帛對聯以及各色等件不得有誤卽有他故亦必使子弟代辦無故而怠玩不至者重罰
- 一 與祭者務宜肅整衣冠與祭畢族長及各房長等以次站立宣講

聖諭十六條各宜靜聽毋得離位誼譁擁擠講  
畢然後序坐接講家訓家規如及席皆坐  
後暫出棊候查明各房子孫好歹倘有不  
遵約束者族長執法懲究各房長不得徇  
情隱匿飲福酒後方許敬容少舒以暢同  
宗大和之氣

一 每屆祭期預擇來年首事不必限定房分

務舉其勤勞殷寔公平正直者毋得愛情

徇

偏舉致干受咎若上年首事辦理詳密精  
當自應留充不然卽令將簿據交卸下手  
不許戀充其未經各房公舉者亦不許鑽  
充

一值年首事必須共訂一簿載清出入數目  
於祭畢日當眾算明不許支混不清一切

什物器皿等項造具清冊點明書數倘有  
損壞上手賠補下手切勿徇情致悞


- 一 祠內有需大用費之事不可擅自動作必  
先稟請房長族長商議候其分示方許施  
行如有任意輕舉定將該首事重責不貸
- 一 祠堂總以序昭穆爲主昭穆序則班次明  
班次明則禮讓興務必昭與昭齒穆與穆

齒在昭列者不必讓於穆班在穆班者不  
可僭居昭位豈特祭祖時宜然卽坐席亦  
宜各循此法如違重責

一祠內錢穀公舉殷實才能輪流管領不得  
推諉倘有疏失逋欠賠出侵蝕倍罰蓋

祖宗佑爾殷實有力亦所應竭貧者不得  
卡領阻撓

一 祠內租穀每年限定冬至日取齊佃戶毋  
 得延擱值年首事毋得徇情愛面



祭祀佈戒

一 祭祀以誠敬爲主宜沐浴齋戒

一 與祭者須整肅衣冠毋小帽褻服

一 執事者各敬所事毋相攙越毋躁急毋

怠緩毋高聲疾呼

一 容止宜肅毋附耳偶語毋欠伸呵咳毋  
先後參差毋左右交趨違者面叱不虔



一凡赤身草履毋深入主室

烝祭省牲儀注

執事者各司其事

發鼓

鳴金

聲爆

奏大樂

大樂止

奏小樂

主祭孫就

位皆就位

主祭孫詣盥洗所

執事

者酌水進巾

盥洗畢

詣香案前跪

皆跪

上香

三

司樽者酌酒

縮酒



起 復位 拜興四 主祭孫詣祖位前  
跪 皆跪 獻爵三 俯伏 樂止 讀  
告文 起平身詣省牲所 上香三 獻  
爵三 奏大樂 大樂止 奏小樂 復  
位 拜興四 平身化財 焚告文 奏  
大樂 揖 禮成

祭祖儀注

通行烝祭禮 鼓初嚴 肅靜 鼓再嚴


執事者各司其事 鼓三嚴 引主祭孫

詣盥洗所 盥洗告潔 詣毛血所 毛

血告充 詣鼓吹所 鼓吹告備 詣酒

樽所 酒樽告清 詣餼饌所 肴饌告

豐 鐘鼓齊鳴 聲爆 奏大樂 大樂



止 奏小樂 擊磬 主祭孫就位 分

獻孫就位 讀祝孫就位 眾嗣孫就位

序立 瘞毛血 啟戶 樂止 讀誠

詞 樂起 行降神禮 主祭孫詣盥洗

所 分獻孫詣盥洗所 執事者酌水進

巾 盥洗畢 詣香案前 跪 皆跪

上香三 司樽者酌酒 縮酒 起 復

位 樂止 歌迎神詩 樂起 拜興四

通行 行二獻禮 行初獻禮 主祭孫詣祖

位前 分獻孫詣左昭右穆位前 跪

司樽者進爵 授主祭者 獻爵 獻饌 獻箸

獻羹 獻財帛 俯伏 讀祝孫跪

樂止 讀祝 云云 樂起 讀祝 叩首三

起 皆起 復位 樂止 歌初獻詩

樂起

通行亞獻禮 主祭孫詣祖位前 分獻

孫詣左昭右穆位前 跪 皆跪 亞獻

酒 亞獻饌 獻麩食 獻湯 起 皆

起 復位 樂止 歌亞獻詩 樂起

通行終獻禮 主祭孫詣祖位前 分獻

孫詣左昭右穆位前 跪 皆跪 終獻

酒 終獻饌 起 皆起 復位 樂止

歌終獻詩 樂起


通行脩食禮 主祭孫詣祖位前 分獻

孫詣左昭右穆位前 跪 皆跪 脩酒

脩饌 再脩酒 再脩饌 司樽者收爵

進祿 脩食 進茗 起 皆起 復位

樂止 讀嘏詞 樂起



通唱行受胙禮 主祭孫詣飲福受胙所

跪 飲福酒 受福胙 謝胙 叩首三

起 復位 徹饌 樂止 歌徹饌詩

樂起 拜興四 樂止 宣家範 歌送

神詩 樂起 闔戶 奏大樂 揖

禮成



治身仙言

史作堂



省牲告文

冬日烈烈白露爲霜念昔先人是用孝享  
執豕于牢與我犧羊取其血膋祝祭于祊  
嗟嗟烈祖來格來嘗佑啓後人長發其祥  
冬祭告文

一陽初動物類具肇始之機萬寶告成人  
生動索享之念追維我祖肇自滎陽越府

名材累代之家聲可溯紫巖遺跡奕世之  
俎豆常新撫我後人劬勞萬狀思維先德  
創業維艱仰承撫育之恩無由報答幸逢  
烝祭之典合致獻酬伏冀祖考來格是享是  
宜而孫子丕承如幾如式烝我髦士頌甲  
第之蟬聯食我農人慶大田之多稼

誠詞

祭祀祖宗務在孝敬恭伸報本之誠恪盡  
追遠之意其戒行禮不恭離席自便與夫  
欠身跛倚噫唾嚏一切失容之事俱係  
不孝不敬詩曰神之格思不可度思矧可  
射思戒之慎之

家範

祖宗家訓箴爾子孫小心翼翼聽諭諄諄

思汝先世創業不易勤勵自強克光門第  
男孝父母婦順翁姑和鄰睦族範彼聖謨  
汝其聽受神其眷佑有子有孫多福多壽

迎神詩

嗟嗟烈祖聿駿有聲禴祠烝嘗匪今斯今  
是用孝享其香始升神之弔矣綏我思成  
神之弔矣綏我思成

初獻詩

吉蠲爲饎旨酒欣欣或剥或烹于豆于登  
先祖是格祀事孔明報以介福子孫繩繩  
報以介福子孫繩繩

亞獻詩

以興嗣歲踰踰濟濟爾肴旣將酒旣和旨  
以妥以侑苾芬孝祀卜爾百福從以孫子

卜爾百福從以孫子

終獻詩

是烝是享衍我列祖或肆或將百禮既至  
孝孫有慶介以繁祉申錫無疆本支百世  
申錫無疆本支百世

徹饌詩

籩豆靜嘉苾苾芬芬禮儀既備福祿來成



式禮莫愆時靡有爭予子孫孫以莫不興  
子子孫孫以莫不興


送神詩

鐘鼓喤喤肅雝和鳴終格以享既和且平  
小大稽首敬恭神明于萬斯年濯濯厥靈  
于萬斯年濯濯厥靈



清江集

卷之三



喪服總圖

三年  
斬衰

用至麤麻布為之，不縫下邊

齊衰

三月

不杖期

杖期

五月

用稍麤麻布為之，縫下邊

九月  
大功

用麤熟布為之

五月  
小功

用稍麤熟布為之

三月  
總麻

用稍細熟布為之





服正服之圖

高祖母 正服齊衰 三月	曾祖母 在室正服 五月 出嫁無服	祖母 在室正服 不杖期	母 正服斬衰 二年 在室正服 期年	身 在室正服 期年	婦 長子婦加 服不杖期 眾子婦義 服大功	孫婦 總麻 嫡孫婦加服小功 孫女正服 大功	曾孫婦 無服	元孫婦 無服	
<p>凡姑姊妹女及孫女在室或已嫁被出而歸服並與男子同出嫁而無夫與子者為兄弟姊妹及姪皆義服不杖期</p>									
<p>凡女適人者為其私親皆降一等為曾高祖不降為兄弟之為父後者不降為兄弟姪之妻不降</p>									
<p>從堂姑 在室正服 出嫁無服</p> <p>從堂姊妹 在室正服 小功</p> <p>從堂姪女 在室正服 總麻</p> <p>三從堂姊妹 在室正服 出嫁無服</p>									

妻

為

夫

夫為祖父母及

高曾祖父母承

重者並從夫服

無服

夫三從兄弟及妻

無服

夫再從兄弟及妻

義服總麻

夫再從姪婦

無服

義服總麻

夫堂姪孫

夫堂姪孫婦

無服

義服總麻

夫曾姪孫

夫曾姪孫婦

無服

正服總麻

元孫

無服

夫曾伯叔祖

父母

義服總麻

夫伯叔祖

父母

義服大功

夫伯叔父母

夫兄弟及妻

義服小功

義服期年

夫姪

夫姪婦

義服小功

夫姪孫

夫姪孫婦

義服總麻

夫曾姪孫

夫曾姪孫婦

無服

正服總麻

元孫

無服

夫堂伯叔祖

父母

義服總麻

夫堂伯叔

父母

義服總麻

夫堂兄弟

及妻

義服小功

夫堂姪

夫堂姪婦

義服總麻

義服小功

夫姪孫

夫姪孫婦

義服總麻

正服大功

孫

正服總麻

曾孫

正服總麻

元孫

義服斬衰三年

舅

義服斬衰三年

妻為夫

長子眾子

無服期年

正服大功

孫

正服總麻

曾孫

正服總麻

元孫

義服總麻

夫高祖父

義服總麻

夫曾祖父

義服總麻

夫祖父

舅

妻為夫

無服期年

孫

曾孫

元孫





妾為家長族服之圖

家長父母

義服齊  
衰期年

家長

義服斬  
衰三年

妾不敢稱夫亦謂之君

正妻

義服齊  
衰期年

亦謂之女君

家長眾子

義服齊  
衰期年

家長長子

義服齊  
衰期年

為其己子

正服齊  
衰期年

妾為其父母降服  
子為其母之父  
弟姊妹俱無服  
為其父之生母正服不杖期  
為其和親則如路人庶  
子之子

嫁女為本宗降服之圖

今制出嫁女為本宗兄弟妻堂兄弟妻及姪婦俱不列服制按妻為夫族服圖為夫之親姑為夫兄弟妻

力為夫堂兄弟妻

正服齊衰三月

正服齊衰五月

正服齊衰期年

降服齊衰期年

降服小功

降服總麻

降服大功

降服大功

降服總麻

無服

降服總麻

降服小功

降服總麻

高祖父母

曾祖父母

祖父母

父母

己身

姪婦

姪

祖姑

姑

姊妹

姪女

在室降服總麻

降服大功

降服大功

降服大功

降服小功

降服大功

義服總麻則出嫁親姑之於姪婦出嫁姊妹之於兄弟妻疑俱當報復小功出嫁姊妹之於堂兄弟妻疑亦當報服總麻

堂姑

堂姊妹

堂姪女

出嫁無服

在室降服總麻

在室降服小功

降服總麻

出嫁無服

出嫁降服總麻



兩無大功親謂繼父無子孫己身亦無伯叔兄弟之類 期年

同居繼父

兩有大功親謂繼父有子孫己身亦有伯叔兄弟之類 齊衰三月

先曾與繼父同居今不同居

不同居繼父


自來不曾隨母與繼父同居

無服

謂父死繼母再嫁他人隨去者

從繼母嫁

齊衰杖期



母

妻於夫之

夫服出

謂父娶後妻禮曰繼母如母

謂所生母死父令別妾撫育者

乳母

謂父妾乳哺者

義服總麻

謂親母被父出

服

嫡母

謂妾生子稱父之妻

繼母

義服斬衰三年

謂父有子妾嫡子眾子義服齊衰杖期

慈母

義服斬衰三年

謂自幼過房與人

出母

降服齊衰杖期

謂親母因父死再嫁他人

庶母

所生子正服斬衰三年雖嫡母在堂亦服

養母

義服斬衰三年

嫁母

降服齊衰杖期

圖

母嫁母服杖期外仍宜申心喪

外親圖服

凡子為繼母之父母兄弟  
姊妹俱義服小功

母祖父母  
無服

外祖父母  
正服小功

妻祖父母  
無服

庶子為嫡母兄弟  
姊妹俱義服小功

舅母 堂姨 堂舅 姊夫 姨夫  
俱無服

母舅 謂之舅父  
母姨 謂之從母  
正服小功

妻父母  
義服總麻妻亡別娶亦服  
妻之親母雖出及嫁亦服

妻母舅 妻伯叔 妻之姑  
俱無服

母舅之子 謂之內母舅之孫

兄弟 姑母之子 謂之外姑之孫  
俱無服

從母之子 謂之兩姨兄弟  
正服小功

俱正服總麻

己身

女婿  
無服

義服總麻

堂舅之子  
正服總麻

堂姨之子  
正服總麻

妻之兄弟 妻之姊妹  
俱無服

女之子女 外孫也

女之子女 婦女之孫  
俱無服

妻姑之子 妻兄弟之子 妻姊妹之子  
俱無服

領譜字號

譜以茲錄收族領者當自寶重公議見才  
字房領譜一冊公存一冊共計二十冊編  
立越府家聲遠滎陽世澤長子孫千萬億  
百代總滎昌二十個字號註明某房領某  
字號譜一冊每逢子午卯酉年冬至前三  
日捧至祖堂驗看倘有汙壞損傷公同



處罰至貪金鬻賣忘 祖已極公議重責

一百降譜出族尙其人 人自立增光家乘

越字號譜一冊 良公房 領

府字號譜一冊 拔公房 領

家字號譜一冊 美公房 領

聲字號譜一冊 盛公房 領

遠字號譜一冊 倫公房 領

